

Enformaziuns y Comunicaziuns

Plata de Ploania - Novité: Stimada Comunità, da cöst'edema ennant ciafun söle calënder liturgich inçe i orars dles Mësses co vën dites ia La Pli. Cösc è en sègno de unité danter les döes ploanies, mo inçe na poscibilitè emplü da tó pert ala mëssa i dis che ara n'è nia te nosta dlijia, y por chi co ô - por orenté o debojügn - tó pert ales mësses tla ploania ijina.

Pröma Comegnun y Crejima: I geniturs dai mituns y dles mitans **co va ala Pröma Comegnun** è bel enviès a na pröma encuntada, en lönesc ai 26 de jenà ales 20:00, te salf de calogna. I geniturs de mituns y mitans **co va ala Crejima** è enviès ala pröma encuntada en dëdölönesc ai 27 de jenà ales 20:00, tres te salf de calogna.


Mëssa dai Scolari: En vëndres ai 23 de jenà è la mëssa dai scolari ales 7:50!!!

Uniun dles Ères: La Uniun tin sontada en lönesc ai 19 de jenà ales 20:00, te calogna.

Formaziun: Jogn, geniturs, insegnanc y düc i enterescès è dër bel enviès ala prejentaziun d'en program sön le tema de Amizizia, Amur, Sessualité. Christian Ortner prejentëia le program "Baustelle Pubertät" co dëida accompagnè geniturs y educadusc te so compit da tlarì coi jogn cöstes tematches y i accompagnè te cösta fasa zitia dla vita, tres i valurs cristiagn. Le referat è ai 22 de jenà ales 20:00 te salf de comun a Santa Cristina. Sce al vën desmostré enteres, podëssel ester che al gness motü da jì na cörta formaziun sön cösta tematica. Enformaziuns ciafun al 348/0827429.

Cursc de paslunch: Organisès dal Zënter Families, tignis da Linda Soravia. **Adulè prinzipianc** (tecnica tlassica - alternada): Sabedes 24 y 31/01, 7 y 14/02 dales 14 ales 15. **Mituns elementara y mesana** (tlassica): dëdemesaledema 21 y 28/01, 4 y 11 de forà: chi dla elementara dales 15 ales 16, chi dla mesana dales 16 ales 17. An s'encunta eten Chi Pëscpësc. Enformaziuns sön prisc y atrezadöra: Linda al 0474/501662 (dòmisdé - sèra).

Referat: Le Raiun Sozial Val Badia organisëia na sèra dal titul "Violenza nella terza età - Wenn der Geduldsfaden reißt" con la av. dr.a Marcella Pirrone, dëdemesaledema ai 21 de jenà ales 19:30 te Raiun Sozial a Picolin. Al vën baié de cöstes domandes: co conësciun pa la violënza cuntra porsones atompades? Cara è pa la violënza fisica o psichica? Ci poi pa iu fà decuntra o por daidé? La sèra è ponsada por porsones co fej le guern a familiars a ciasa, por personal spezialisé tla cura, por doturs y düc i interessès.



Gejù à dit: „Chi co crëi te mè, vir inçe sce ai mör!“
La comunità tol comié da **Ottilia Comploi nasc. Clara, stada mogna d'Al Plan** morta con 88 agn; da **Albina Palfrader mar. Basso**, morta con 68 agn, y ti fej ales families condolianzes sontides! Che ares pàlsi tla pësc.



La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

2. Domëgna dal ann B - dla Bibia, ai 18.01.15 - nr. 7



I dui discepui à aldì y ti è jüs dô a Gejù!

Dal Vagnele do San Jan, 1, 35 - 42


Te chël tomp ³⁵ea Jan söle Iórdann, olach'al baçiâ, y con èl dui de sù discepui. ³⁶Canche Gejù ea passé dan ia, à Jan ôt sôa odlada sön èl y à dit: Cïarede l'Agnel de Dio! ³⁷I dui discepui à aldì ci ch'al à dit, y ti è jüs dô a Gejù. ³⁸Mo Gejù s'à ôt, y canch'al à odü ch'ai ti jea do, i àl damané: Cï orëise pa? Ai ti à dit: Rabbi - co ô di: maester -, ola abitëieste pa? ³⁹Al à respognü: Gnide y odede! Danlò èsai jüs empara y à odü olach'al abitâ, y è romagnüs chël dé pa d'ël; al ea encër les cater domisdé. ⁴⁰André, le fre de Sciomun Pire, ea önn dai dui, co à aldì la parora de Jan y co ti ea jüs dô a Gejù. ⁴¹Cösc à encunté empröma so fre Sciomun y ti à dit: I àn cïafé le Messia. Messia ô di: Crist - le consacré. ⁴²Al l'à condüt da Gejù. Gejù ti à cïaré y à dit: Tö es Sciomun, le fi de Jan, te dess avëi ennom Chefas. Chefas ô di: Pire (pera). **Parora dal Signur. - Lalt a té, Gejù Crist!**




Edema de Oraziun por l'Unité dai Cristiagn

La Diozeja scrì: "L'Edema de Oraziun por l'Unité dai Cristiagn (dai 18 ai 25 de jenà) liëia i cristiagn da döt le monn y cïara sora i confins dles confesciuns fora. Le motto dla Edema 2015 è "Damo da bère" (Jan 4, 7). Cösc tòch fora dla Bibia se ensëgna tan emportant ch'al è da conësce la identitè ch'an à enstësc y da nia se sontì manacès dai atri. Ara nen va dles domandes: "Co cïara pa fora le tru de unité ch'i dëssun jì, por che le monn pòi bère da chë fontana co è Gejù Crist? Y cïamó: Co rounse pa a na unité, te chëra che la varieté ciafa sôa lerch y vën aprijada?", dij Mario Gretter, enciarié dla diozeja por le dialogh interreligijs."

I sun düc enviès da perie por la unité y inçe por che nosta identitè cristiana se renforzi, desco inçe le dialogh con i atri.



Domëgna: 18.01: II. Domëgna dal Ann Liturgich: dla Bibia



8.30: Gran Mëssa a La Pli

9.30: Corona por +nc' Stasi Rindler, Tile Comploi, Albina Palfrader y Manlio Marcocci

10.00: S.M. por la Ploania y Requiem por +ntes Stasi Rindler, Tile Comploi y Albina Palfrader

18.00: S.M. de renger. por 100 agn de vita de Paula Rindler Costata
S.M. por +nt Siur Mattio Rigo
S.M. por Fam. Castlunger Lois y Oliva, Rungg
S.M. por +nt Angelo Ties de Col
S.M. por +nta Maria Taibon, Mantëna
S.M. por +nt Paul Ties de Tone de Col

Lön. 19.01: Feria dla 2. edema dal ann: **Sa. Prisca, Sa. Regina**

7.30: S.M. por +nc' de Clara Franziska
S.M. por +nc' dla Fam. Erardi y Plattner
S.M. por +nc' Jan y Christian Vollmann, Ras

Dédol. 20.01: Mem. de SS. Fabian y Sebastian, Sa. Ursula, S. Iaco

7.45: S.M. a La Pli

Dédem. 21.01 Feria dla 2. edema dal ann: **Sa. Agnes, S. Eduard**

18.00: S.M. por +nc' Lois y Nina Oberbacher dal Lehrer
S.M. aniv. por +nt Jan Vollmann, Ras
S.M. por +nc' de Lies Comploi de Mano
S.M. por vîs y +nc' dla Fam. Frenner de Pincia

Jöbia 22.01: Feria dla 2 ed.: **S. Vinzenz, S. Walter, Sa. Teodolinda**

19.30: S.M. a La Pli

Vëndr. 23.01.: N.B.!!! Feria dla 2. ed.: **S. Heinrich Seuse, S. Ildefons, S. Eugen**

7.50: S.M. por i scolari
S.M. por +nt Hans Erlacher de Corcela
S.M. por +nta Frieda Feichter
S.M. por vîs y +nc' dla Fam. Erlacher Auer

15.00: Ora de adoraziun y oraziun

Sab. 24.01.: Feria de S. Francësch da Sales: **S. Maria in sabato**

17.00: Pöscibilitè da se pisié

18.00: S.M. por +nt Franz Feichter, Valciapa
S.M. por +nc' Mayr Ludwig y Paula
S.M. por vîs y +nc' dla Fam. Ties, Ritterkeller

19.30: S.M. a La Pli

Domëgna 25.01: Festa en onù de S. Ojöp Freinademetz da Oies

8.30: Gran Mëssa a La Pli

9.30: Funziun dla festa: Corona

10.00: S.M. en on' de S. Ojöp da Oies por dōta la Ploania

18.00: S.M. de renger. por la Fam. Borroni Giorgio y Augusta
S.M. 1. aniv. por +nta Teresa Bernardi Ties de Cassl
S.M. por +nc' dla Fam. Trebo dal Frisêr
S.M. por +nc' Comploi dal Tabach



La Ploania i fej les mius aodanzes
a Paola Rindler, Costata,
nasc. ai 18.01.1915



La familia i fej les mius aodanzes
a Agnes Obwegs, Pêsta,
nasc. ai 21.01.1931



LA BIBIA

I adori la Bibia

Al è porsones, co n'adora nia la Bibia. Iu ne sun nia pa chisc. Iu à debojügn dla Bibia.

H. Krist

I l'adori,
por capì, da olà ch'i vëgni.

I l'adori,
dèache i m'à entenü,
che nos porsones
n'àn nia na dërta consolaziun
önn por l'ater
te momoné emportanè y che
inçe mio cör ciafa ma enlò confort.

I l'adori,
por chi ài na fondamonta sterscia
y en bun sostëgn te cösc monn.

I l'adori,
por savëi, che al n'è Önn sóra de me
y Èl à val'da mo di.

I l'adori,
por savëi, de ci vers che mio tru va.
(da "Sonntagsblatt")

Olà abitëieste pa?

Olà abitëia pa le Signur?
Olà l'encunti pa?
Olà poi pa l'esperimenté,
tan da podëi scraié:
I à ciafé le Messias?
A cöstes domandes
èdl deplö respostes;
öna de cöstes è: L'ORAZIUN.
Y propi le perié ànse
da ti ensegné a nösce mituns
le plö adora pöscibl.

(image)



„Kommt und seht!“ – diese Einladung Jesu ergeht an die, die bereit sind, sich auf ihn einzulassen. Jesus antwortet nicht auf die Frage der Jünger nach seiner Wohnung, sondern spricht einfach diese Einladung aus. Es gibt offenbar Fragen, da hilft kein Wort als Antwort. Da ist die Antwort eine Einladung und die Antwort kommt ans Ziel, wenn die Einladung angenommen wird.



Sorvisc dai Ministroné

Lönesc 19/01 (07:30h), Dédemesaledema 21/01 (18:00h), Vëndres 23/01 (07:50h!!!):

Alessia y Claudia Kaneider;

Sabeda 24/01 (18:00h): Mike y Susan Kaneider, Susanna Kastlunger, Elena y Natalie Obojes, Marlene Palfrader;

Domëgna 25/01 (10:00h): Lucia, Max y Vanessa Obwegs, Fabian Kaneider, Matteo Sottrovich, Anna y Jan Trebo;

Domëgna 25/01 (18:00h): Max, Linda, Luianta y Moltina Clara, Florian y Stefan Palfrader;

